

MOLAETSA O LE MONG

Dr. Naji I. Al-Arfaj

www.islamic-invitation.com



MOLAETSA O LE MONGwww.islamic-invitation.com

Ho bane ba tsomang,
'Nete ka tieo, kannete le ka maikutlo a bulehileng

Phatlalatso**MOLAETSA O LE MONG**

Lipotso tsa pele ho baloa
Ho toba tabeng
Molimo A le Mong ka Bibeleng
Testamenteng ea Khale
Molimo A le Mong ka Bibeleng
Testamenteng e Ncha
Molimo A le Mong ka Kor'aneng
Liqeto

LETHATHAMO LA LITABA**Lipotso tsa pele ho baloa:**

1. Keng ntho e 'Molaetsa o le mong feela'?
2. Bible e reng ka ona molaetsa oo?
3. Kor'ane e reng ka ona molaetsa oo?
4. Uena maikutlo a hau a reng ka ona?

Ho toba tabeng:

Kamora' ho boptjoa hoa Atama, ho bile le
molaetsa o le mong feela oa tlholeho o rometsoe
makhetlo a mangata ho batho haesale esale lichaba
li boptjoa. Ele ho hopotsa batho ka ona le ho ba
khutlisetsa seporong, Baporofeta le Barumuoa ba
bangata ho kenyeletsa Atama, Nooe, Abrahama,
Moshe, Jesu le Muhammad ba ile ba romeloa ke
Molimo A Inoosi Oa 'Nete ho phatlalatsa molaetsa



ona:

Molimo Oa 'Nete O Mong

Khumamela Eena A le Mong u be u boloke melao ea Hae.

MOLIMO OA 'NETE, 'MOPI

Ho ronngoe

Ho fetisa

Atama

Molimo O Mong

Nooe

Molimo O Mong

Abrahama

Molimo O Mong

Moshe

Molimo O Mong

Jesu

Molimo O Mong

Muhammad

Molimo O Mong

Molimo O rometse Baporofeta bana ba baholo le ba bang ba bangata 'moho le Barumuoa ele ho phethahatsa mesebetsi le lipheeo, tse ling tsa tsona ke tse latelang:

- 1) Ho amohela tataiso ho tsoa ho Molimo le ho e deliver it to people. fetisetsa ho batho.
- 2) Ho fetisa molaetsa oa hore Molimo O Mong
- 3) Ho khahla batho ka tsela ea bophelo
- 4) Ho laela batho hore ba ts'abe Molimo le ho boloka melao ea Hae.
- 5) Ho ruta balateli ba bona litaba tsa tumelo, boits'oaro le lintlha tsohle tsa bophelo ba lefats'e
- 6) Ho tataisa ba khelohileng, ba sa mameleng Molimo, kapa ba khumamela melimo le lits'oants'o
- 7) Ho bolella batho ka sebaka sa bona sa ho qetela le se ba isang Leholimong kapa Liheleng.

Ke Eena Molimo Ea ts'oanang Ea bopileng A ba A roma Baprofeta le Barumuoa bao. Ke 'Mopi oa batho bohle, liphoofolo tsohle le lintho tsohle. Ke Eena **MOLIMO A LE MONG** Ea bopileng



**tlholeho le lihloliloeng tsohle le tsohle tse ho tsona.
Ke Eena ‘Mopi oa bophelo pele ho lefu le lefu
kamora’ bophelo.**

**Bonngoe ba bomolimo ba Molimo Oa ‘Nete, eleng
‘Mopi ke ntho e hlakileng e bileng e khonang ho
latelloa ha bonolo ho ea ka lingoliloeng tsa Majude,
Bakreste, Masolomane le tse ling.**

**Ho hlahloba le ho balisisa boleng ba Molimo
Bibeleng le Kor’aneng ka tieo le sepheeo se
hlakileng, setsomi sa ‘nete se tla fumana ‘nete
e totobetseng ka lintlha tse khetholohileng ho Eena feela joalokaha ele Eena
Molimo A le Mong oa 'nete.**

**Tse ling tsa ntho tseo Molimo Oa ‘Nete a
khetholohang ka tsona ho ba bang ba ipitsang
melimo ke tse latelang:**

**Molimo Enoa Oa ‘nete ke ‘Mopi hase ‘Mopuoa.
Molimo Enoa Oa ‘nete O Mong ha ba bararo kapa
ho feta! Ha Ana molekane (bomolimong) kapa ea
lekanang le Eena (ka matla a bomolimo).
Molimo Enoa Oa ‘nete Ha A bonahale ka mahlo;
Ha ho motho ea ka Mmonang ka mahlo bophelong**

**bona ba Lefats’eng. Ha A na sebopeho kapa
chebahalo eo re ka Mmonang ka eona.
Molimo Enoa Oa ‘Nete Ha A na pheletso; Ha A shoe kapa ho fetoha.
Molimo Enoa Oa ‘Nete Ha A hloke letho joaloka
‘m’e, mosali kapa mora; kapa ntho tse kang lijo,
lino kapa thuso. Empa tsohle kapa bohle ba ea Mo
hloka. Molimo Enoa Oa ‘Nete O khetholohile
boleng ba Hae; Ha ho letho le ts’oanang le Eena.
Ha ho tlhaloso ea motho kapa phoofolo e ka
lebisoang kapa ho lekangoa le Eena.
Re ka sebelisa lethathamo le boleng bona (‘moho le
tse ling tse khethohileng ho Molimo Feela) ho
hlahloba le ho hana ntho tse ling tse rehelloang ka
Molimo.**

Hajoale ere nke ke hlalose molaetsa ona o le mong



e re buileng ka ona holimo ke be ke qotse tse ling tsa litemana tsa Bibe le tsa Kor'ane tse lumellanang le Bonngoe ba Molimo. Empa pele ho moo ke rata ho le fa maikutlo ana: *Ba bang ba Bakreste ba kanna ba Makala, "Ho hlakile hore Molimo O Mong. Joale, bothata ke 'ng? Re lumela ho Molimo A le Mong. Joale, bothata bo kae?"*

Empa kaha ke ile ka ipha nako ea ho bala le ho ithuta ka lingoliloeng tsa Sekreste le meqoqo 'moho le Bakreste ba bangata, ke iphumane ke eba le kutloisiso ea hore ba lumela hore Molimo Enoa A Mong ho kenyeletsa:

1- Molimo Ntate

2- Molimo Mora

3- Molimo Moea o Halalelang

Joale, ho ipapisitsoe le maikutlo a pholileng, motho ea hlakileng oa 'nete ea tsomang 'nete a ka fana ka mabaka a latelang: U bolelang ha u re Molimo O Mong, empa u ntse u bolela melimo e meraro? Ele hore Molimo O Mong borarong kapa ba bararo bonngoeng? (1 kahara 3 kapa 3 kahara 1)?!

Ele tlatsetso ea sena, ho ea ka thuto ea Sekreste, melimo ena e meraro ena le tlhalohanyo tse fapaneng, libopeho, maemo le mesebetsi:

1. Molimo Ntate = 'Mopi

2. Molimo Mora = Mopholosi

3. Molimo Moea o Halalelang = Moemeli

Ka hona, haeba Jesu, Molimo Mora (kapa Mora oa Molimo) ke Molimo kannete kapa karolo ea Molimo A Inoosi, ebe se ha se hanane le seo Bibe le ka boeona e se hlalosang ka hore ha ho motho ea ka bonang kapa ho utloa lentsoe la Hae? Bibe le e hlalosa:

HA U SO UTLOE LENTSOE LA HAE KAPA HO BONA SEFAHLEHO SA HAE.

(Johanne 5:37)



**HA HO EA KILENG A ‘MONA. EBILE HA HO
EA KA ‘MONANG.**

(1 Timothea 6:16)

**HA HO EA KA MPONANG EABA O NTSE A
PHELA**

(Exoda 33:20)

**Na Majude ka nako ea hae, lelapa la hae le balateli
ba hae ha b aka ba ‘mona (Jesu Molimo Mora,
joalokaha ba bang ba lumela!) le ho utloa lentsoe la
hae?**

*Na hona le lekunutu le itseng moo kapa sepheeo se
patiloeng malebana le ‘nete ka Molimo? Kahara
Bibele, Molimo oa ‘Nete O tiisitse ka mantsoe ana,
“Ke Morena, ha ho molimo o mong. Ha ke so bue
makunutung kapa ho pata sepheeo sa ka ... Ke
Morena ‘me ke bua ‘nete; Ke tsebahatsa ntho tse
nepahetseng.” (Isaiah 45:19)*

Joale, ‘nete ke efe?

**Ke kopa hore u ke u bale temana eo
‘me u inahanele eona!**

**Joale, ha re ke re qaleng leeto la ho tsoma ‘nete ka
Molimo Enoa Ea Inoosi Oa ‘nete kahara Bibele le
Kor’ane. Qetellong ea leeto lena le kamora ho
hlahlobisisa bukana ena kannete, boitelo,
bots’epehi le boinahano haholo-holo litemaneng tse
bonts’itsoeng tlaase, ke tla rata ho tseba maikutlo
le mehopolo.**

**Ho re ke be tabeng ka ‘nete kamoo ho ka
khonahalang, ke tla fana ka litemana ntle le ho hlahisa
maikutlo. Ke kopa le bale litemana tse latelang:**

**KA BOHLOKOLOSI, BOQHETSEKE LE
WKANTLE HO TLHAKISO EA ENG KAPA ENG.**

**Molimo A le Mong Oa ‘Nete
kahara Bibele**



(Testamente ea Khale)

Utloa, Iseraele! Molimo oa rona ke Jehova, Jehova
a 'nots'i

(Ditoronoma 6:4)

Ha se Molimo a 'notsi ea bopileng aba a sireletsa
ka moea oa bophelo?

(Malakia 2: 15)

... hore le tle le tsebise, 'me le ntumele, 'me le
ikutloele hobane ke 'na, 'me o mong o k eke oa eba
teng ka morao ho 'na. Ke 'na, ke 'na Jehova; ha ho
'moloki e mong, ha e se 'na.

(Esaea 43:10-11)

... ke 'na oa pele le oa morao; ha ese 'na, ha ho
Molimo. Ke mang ea ts'oana le 'na?

(Esaea 44:6)

... Ha ho Molimo, ha ese 'na, Molimo o lokileng, o
bolokang; ha ho o mong; ke 'na feela. Sokolohelang
ho 'na, 'me le bolokehe, lona lipheletso tsohle tsa
lefats'e. Hobane ke 'na Molimo, o mong ha o eo.
Ke anne ka 'na, taba e lokileng e tsoile molomong
oa ka, e k eke ea khutla, e re: Mangole 'ohle a tla
nkhumamela, maleme 'ohle a ane ka 'na.

(Esaea 45:21-23)

Na u ka hopola litemana
tse ling tse ts'oanang?

Molimo oa 'Nete
kahara Bibeleng
(Testamente e ncha)

Emong a tla, a re ho eena: Moruti ea molemo, taba
e ntle ke efe eo ke tla e etsa hore ke be le bophelo
bo sa feleng? Jesu a re ho eena: Na u mpitsetsang
ea molemo? Ea molemo ke Molimo o 'nots'i....

(Matheu 19:16-17)

'Me bophelo bo sa feleng, ke hore ba u tsebe, uena
Molimo o 'nots'i oa 'nete le Jesu Krete eo u mo



romileng.

(Johanne 17:3)

Na u ka hopola litemana tse ling tse tiisang
hore MOLIMO O INOOSI? (ESENG BA
BARARO)

Khumamela Morena, Molimo oa hao, 'me u
sebeletse eena feela

(Matheu 4:10)

Molao oa pele ho melao eohle ke o reng: Utloa,
Iseraele, Morena, Molimo oa rona, ke Morena a
'nots'i.

(Mareka 12:29)

Hobane Molimo o mong feela, le 'Muelli mahareng
a Molimo le batho o mong, eleng Jesu Krete
motho.

(1Timothea 2:5)

Na u ka hopola tse ling tsa litemana tse tse
pakahatsang hore MOLIMO O 'NOTS'I? (ESENG
THARO)

**Molimo Oa 'Nete A Inoosi
kahara Kor'ane:**

Ere: Ke Allah, A Inoosi; Allah Ea teng ka
linako tsohle, Ea phethahetseng kamehla;
Ha A tsoaloa kapa hona ho tsoaloa; 'Me ha
ho letho le ts'oanang le Eena.

(112:1-4)

Ha ho molimo ntle le Nna; joale Nthapele.
(21:25)

Ha ba lumele ba reng: Allah (Molimo) ke
emong oa ba bararo, kaha ha ho molimo
ntle le Molimo A Inoosi. Haeba ba sa emise
lipuo tseo tsa bona, kannete kotlo e bohloko
e tla oela batho ba sa lumeleng kahar'a
bona.

(5: 73)

Kannete, molaetsa ona o amang Bonngoe ba



Molimo (j.k Tawhid ka leleme la Searabo) ke ntho ea bohlokoa kahara Kor'ane.

Na ho ka ba le molimo emong ntle le Allah (Molimo)? Che, kannete boholo ba bona ha ba tsebe. (27:61)

Na ho k aba le molimo emong ntle le Allah (Molimo)? Ea Holimo ke Allah kaholimo ho seo ba mo kopanyang le sona. (27: 63)

Na ho k aba le molimo emong ntle le Allah (Molimo)? Ere, 'Tlisang bopaki ba lona haeba le bua 'nete!' (27: 64)

Liqeto:

Litemana tsena 'moho le makholo-khola a mapaki a ts'oanang ka Bibeleng le Kor'aneng li pakahatsa molaetsa ona o sa feleng oa hore Molimo O Inoosi. " Sokolohelang ho

'na le bolokehe, lona lipheletso tsohle tsa lefats'e. Hobane KE 'NA MOLIMO O MONG HA O EO."

(Esaea 45: 22)

Bibele ha e pakahatse feela hore Molimo O Mong empa e boela e utulla hore Molimo Oa 'Nete, eleng 'Mopi ke Eena feela Mopholosi. "Ha ho molimo o bileng teng pele ho 'na, 'me o mong o ke ke oa eba teng kamorao ho 'na. Ke 'na, ke 'na Jehova; ha ho 'moloki emong, ha e se 'na.

(Esaea 43:10-11)

Joale, ho ea ka tlhakiso ena, eohle melimo ena ea maiketsetso joaloka Jesu, Moea O Halalelang, Brahma, Vishnu, Shiva, Krishna, kapa Buddha ha se melimo kapa hona ho ba boleng ba MOLIMO OA 'NETE A INOOSI.



Ke ka lebaka la bolumeli bono ba bohata ho etsahetseng hore Majude a khumamele melimo e meng, "... 'me bohale ba Jehova ba tukela Iseraele" (Numere 25:3). Ka ho ts'oana, Moshe o ile a pshoatla namane ea khauta.

Ka hlakoreng le leng, Baessene, eleng sehlopha se seng sa Bakreste ba neng ba lumela bonngoeng ba Molimo, ba ile ba hlorisoa ba ahloloa kante ho toka kaha ba ile ba hana ho fetohela thuto tsa Jesu tsa ho khumamela Molimo ho ea tumelong e ncha ea boiqapelo ea Paulosi eleng ea boraro ba bomolimo.

Molimo Oa 'Nete O Inoosi.

Khumamela Eena A le mong

'Me u boloke molao oa Hae.

Ho phethela, Baporofeta bohle ba Molimo ho kenyelletsa Atama, Nooe, Abrahama, Moshe, Jesu: le Muhammad ba ne ba ronngoe ke Molimo A ts'oanang, eleng 'Mopi, ho fetisa molaetsa oa hae ho ea sechabeng:

'Me haesale baporofeta le barumuoa bao ba ntse ba . ruta molaetsa o le mong, 'me kahona tumelo ea bona e lokela ho ts'oana! Joale hee, ebe tumelo ea baporofeta le barumuoa bao ke efe? Ho inehela thatong ea Molimo ke ntlha-kholo ea molaetsa oa bona baporofeta bao. Lentsoe lena BOINEHELO (ho inehela) le bolela Islam ka puo ea searabo

Kor'ane e tiisa taba ea hore 'Islam' ke tumelo ea 'nete ea Molimo oa baporofeta le barumuoa bao. !

Taba ena ea Kor'ane e tiisoa le ke Bibeale ka bo eona! 'Me sena se tla hlalisoa ka bophara bukaneng e latelang, ha Molimo A ratile Qetellong, ho fumana pholoho ea 'nete, re lokela ho amohela le ho lumela ho molaetsa o hlalositsoeng ka holimo ka boikhethelo le ka tieo. Le ha ho le joalo, ho etsa sena ha se ea lekana! Re lokela ho lumela ho baporofeta le



barumuoa bohle ba Molimo (ho kenyelletsa Moporofeta Muhammad (khotso ebe le eena) le ho latela tataiso ea bona ea 'nete 'moho le lithuto tsa bona. 'Me sena ke ona monyako o le mong oo motho a ka fumanang thabo le bophelo bo sa feleng.

Empa, haeba u motho ea tsomang 'nete a bileng a ratang pholoho kapa boiketlo moeeng, u ka rata ho lekola sena honajoale, pele u siuuoa ke nako! PELE LEFU LE U TS'OARA! E kanna ea eba haufinyane! Ke mang ea tsebang? Se seng hape...

Maikutlo a ho qetela!

Joale, 'nete ke eng?

Nka etsang?

Sebakeng sa batho ba nang le maikutlo a hloekileng, ba nang le 'nete, sepheeo se hlakileng le :
maikutlo a bulehileng a pholileng nakong eo ba tsomang 'nete ebile ba nahanisa litaba tsa molaetsa ka botebo, ba ka nna ba botsa potso tse latelang:

U ka lumela ka tieo ho Molimo oa hau oa 'nete (Allah), ho lumela ho morumuoa oa Hae oa ho qetela, 'me oa cho mantsoe ana:
Tlhapanyo ena ke mothati o ka sehlohlolong o tlang ho u tataisetsa ho bophelo bo sa feleng le senotlolo sa 'nete ho bula monyako oa Leholimo.

Haeba u etsa qeto ea ho nka tsela ena; u ka atamela motsoalle oa hau oa lesolomane, setsi sa thuto ea Islamo kapa nna (nka thabela ho u thusa).

EHLILE, U KA KHONA!

Ke hlapanya hore ha ho molimo o lokeloang ke ho khumameloa ele kannete ntle le Molimo Oa 'Nete (Allah) ke boele ke hlapanye hore Muhammad (Khotso ebe le eena) ke Morumuoa oa ho qetela oa Molimo



(Allah).

Lebitso le nepahetseng la Molimo Oa 'nete, eleng
'Mopi. Allah ke Molimo Oa 'Nete oa batho bohle
(Majude, Bakreste, Masolomane, Mahindu j.j).

Tlhaloso ea Mantsoe

A mantsoe a sebelisoang a Islamo (Sesolomane):

Allah

Lebitso la Molimo Oa 'Nete oa Maholimo le Lefats'e

Muhammad

Moporofeta oa ho qetela oa Molimo oa 'nete

Islam

Ho inehela thatong ea 'Mopi, eleng Molimo Oa 'Nete
(Allah). Eo motho a ka fumanang bolokolohi ba
maikutlo le thabo e sa feleng ho Eena.

Mosleme (Lesolomane)

Motho ea inehetseng ka boikhetlo ho etsa thato ea
Molimo (Allah).

Kor'ane

Lentsoe la Molimo le senoletsoeng Muhammad

Lingoliloeng tse ling tsa Mongoli:

Semelo sa Hae ke sefe?

Molaetsa o le mong!

Na u se u fumane botle ba eona ba 'nete?

Marang-rang a bohlokoa ka Islamo:

<http://www.islamic-invitation.com>

<http://www.islamreligion.com>

<http://www.islamhouse.com>

<http://www.edialogue.org>

<http://newmuslimacademy.org>

<http://en.islamway.net>

<http://www.sultan.org>

**Molemong oa melaetsa, lipotso, maikutlo, likarabo .
kapa maipiletso**

Lokoloha ho letsetsa kapa ho atamela ofisi ea rona:

Dr. Naji Arfaj

E-mail: abctruth@hotmail.com



Lebota la marang-rang: www.360itsrealbeauty.com
Tel: +96655913113
P.O Box 418 Hofuf, Ahsa
31982 KSA

Sh. Abdullah Sesinyi

tsie71@gmail.com

Mohala: +26656231487 / 63047505

Sekamaneng, The Islamic Foundation

P.O Box 14131

Maseru 100

Lesotho

Lethathamo la ba batlang 'nete

MOLAETSA FEELA

www.islamic-invitation.com

www.islamic-invitation.com

